



Sessione di l'Assemblea di Corsica
U 19 di ghjughnu di u 2020
Discorsu di u Presidente*
Jean-Guy Talamoni

Care culleghe, cari culleghi,

Hè partutu à l'atru mondu, una decina di ghjorni fà, u duttore Paul Combette, anzianu elettu di l'Assemblea di Corsica. Capimachja di u SAMU d'Aiacciu, di u serviziu reanimazione di l'uspidale di a Misericordia è medicu di u SDIS di u Pumonte, Paul Combette era un attore maiò di a salute è di u succorsu in Corsica. Pensemu forte à tutti i soii è particularmente à a so figliola, a nostra cullega Christelle Combette. Vi dumandu d'usservà un minutu di silenziu.

Sò felice di ritruvà vi oghje in st'emiciculu, per sta sessione strasurdinaria. A situazione ùn hè ancu nurmale postu chì parecchi consiglieri partecipeghjanu sempre à sta riunione di manera numerica. Ma, oramai, a situazione sanitaria, appaciata, ci permette di ripiglià un funziunamentu guasi nurmale, rispettendu di sicuru tutte e misure.

In quant'à i travaglii di a nostra istituzione, ùn sò mai stati interrotti da a crisa di u Covid-19. Avemu cuntinuatatu à riflette, à prupone, à piglià decisione. Tengu dunque à ringrazià vi tutte è tutti è à ringrazià dinù tutti i servizii amministrativi, quelli di u Secretariatu generale è quelli di a Cullettività di Corsica chì anu participatu à sta cuntinuità di a vita democratica. Ringraziau dinù i membri di u mio cabinettu chì anu travagliatu senza fiata durante sta perioda.

Oghje, a sapete, vi presenteraghju un raportu ch'aghju scrittu, à a dumanda di l'ARS è di a CRSA, in lu quadru di a cunsultazione detta « Ségur de la santé ». Stu raportu face prima u custattu di e difficoltà è di e mancanze in u duminu di a salute in Corsica, difficoltà accentuate assai durante a crisa attuale.

In un secondu tempu, prupone sette scopi à realizà, chì ponu permette, per contu nostru, di custruisce un sistema sanitariu efficace è perfurmente, in tempu dettu nurmale è in casu di crisa.

Stu raportu, l'aghju digià mandatu à l'ARS perchè aspettava e cuntribuzione per u 15 di ghjugnu. Tinia quantunque à presentà vi lu oghje perchè sò primurosus assai di a vostra infurmazione, di a cumpletta infurmazione di a nostra Assemblea. Per contu nostru, u travagliu di l'Assemblea di Corsica, u travagliu di a so presidenza è l'infurmazione di tutti l'eletti partecipeghjanu à qualcosa di necessariu assai : l'equilibriu di i puteri.

À ringrazià vi.

*Seul le prononcé fait foi

Contacts presse :
Julia Marchini – 06 03 66 94 80
Anne Martinetti-Squarcini – 06 07 05 94 90